

## 互相漏氣求進步

劇中人:阿達仔(甲)阿喜仔(乙)

甲:「叫著我!叫著我!黃昏的故鄉不時咧叫我…」(一面行一面唱著台灣歌曲「黃昏的故鄉」)

乙:透早就聽著你悲情的歌聲，敢是予恁女朋友放揀才會咧心痛?

甲:你嘛莫三八矣!我人媽痲仔子大牽，欲做我的女朋友愛去運動埕排一輓!

乙:抑無，你是「啞口看著火燒厝」-「講袂出喙」乎?趕緊講!

甲:是阮老爸講欲移民去外國做生理，我才鬱卒唱歌欲佢故鄉來相辭!

乙:咱台灣是寶島呢!外國生份所在，愛看別人的面色，到時你就愛唱哭調仔--囉!

甲:啥物「寶島」?我看是「欲倒」!聽講咱的農保、健保攞欲破產矣!你這個「七月半鴨仔」-毋知死活!我就講一寡予你鼻芳!

乙:你毋通看一个影就生一个团!人講:「好天愛賭雨來糧」，閣再講「頭過身就過」景氣若好咱就有好日子矣!

甲:你真正是「胡蠅戴龍眼殼」-坎頭坎面!因為天災人禍，連大陸的觀光客就毋敢來，佢慘你敢知?按呢落去，連鞭就愛「食滷蛋配高粱酒」-「穩死」!

乙:莫牽拖!彼是一時的意外!咱有世界級的景緻，親像阿里山、日月潭，啥人佢咱比?

甲:你家己褒較袂臭臊!人阿陸仔講:「無來阿里山終身遺憾，來到阿里山遺憾終身」!閣講日月潭就親像個兜的面桶遐呢大爾爾!

乙:中國有大江佢大河，台灣嘛有好山佢好水!咱千萬毋通來失志!台灣的特色有夠濟，連鞭外國人客就踢倒街!

甲:咱庄仔內的外國人有影是規四界!足濟羅漢跤仔娶無某就進口外國新娘，中國、越南、印尼有夠濟，有影無輸一个聯合國呢!

乙:啥物進口?外國新娘毋是進口的物件!台灣因為有個嘛變甲趣味佢多元!

甲:怪奇呢，我講天你咧講地，我講蠶稀你咧講飯籩，你是刁工欲佢我做對一喔?

乙:因為聽你講了我就知影，你的人生是烏白的，我的人生是彩色的!

甲:無，你是咧替電視的肝藥仔做廣告--喔?咱台灣進前連繼發生捷運刮人、烏心油的事件，今也就親像「水肥車排規列」-「拖屎連」，你敢知影?

乙:你講的攞是「六月天落雪」-真「稀罕」!經過咱政府佢逐家的拍拚，真濟問題攞得著改善矣!遮叫做「拍斷手骨顛倒勇」知無?

甲:猶閣有，政府講WTO通過，真濟物件攞愛開放進口，阮阿公種的稻仔嘛

無法度佢人競爭，真正是「屍川裂到嘴」-「虛咧咧」！

乙：為著欲公平競爭，開放進口敢若「和尚划船」-「無法度」。毋過，有真濟人已經生產有機的農產品，親像稻仔、茶米…品質攏袂輸外國矣！

甲：聽你講了，我實在是「啞口予蜂叮」-無話講。原來是我共「菜頭看做人蔘」！外國的月娘無影比咱台灣較圓。

乙：到今你才知！最近外國新聞定定咧報火山爆發、恐怖的攻擊佢戰爭！清彩移民，就親像「頭毛試火」-「毋驚死」，你才去！

甲：毋過，阮阿爸講台灣人不時吵吵鬧鬧，若是繼續舞落去，未來前途就親像「鯽仔魚食著茶籬水」-「穩死的」！

乙：毋免驚！咱台灣是民主國家，雖然逐家有一寡無仝款的意見，毋過，有法律道德予你靠，理性安全免煩惱！

甲：真正是「八仙過海」-隨人變通。莫怪外國人呵咾咱台灣的環境佢治安，講：「人濟規矩袂脫箠，快樂日子照常過。」原來我佢阮阿爸攏想傷濟矣。

乙：「有其父必有其子」，你果然毋是恁阿母佇外口偷生的！

甲：你莫閣共我談矣！我欲趕緊轉來勸阮老爸「鴨卵擲過溪」-「看破」！毋通移民矣！佇遮嘛欲奉勸逐家

合：寶島需要咱守護、逐家仝心來看顧、互相漏氣求進步、台灣才有好前途！

甲：阿達仔

乙：阿喜仔

合：落台行禮！